



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 66. Alterum utriusque partis colloquium.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul XVI.
A. C. 1599.
actionis non Deo tanquam primo agenti, sed libero hominis arbitrio adscribat, proin priusquam discutiatur, an hæc efficacia physica vel moralis sit, omnino examinandum ajebat, utrum reipsa detur auxilium efficax, quod a Deo ipso, atque independenter a liberi arbitrii consensu efficaciam obtineat. His auditis Pater Christophorus Cobos e Societate Theologus pro sua, qua pollebat, ingenuitate fatebatur, quod in Molinæ æque, ac in Prædicatorum doctrina propositiones censura perstringendæ reperiantur, adeoque utrinque æquo jure procedendum sit. Hæc Jesuitæ declaratio assensum præbuit Madrutio Cardinali, ut tam Prædicatorum, quam Jesuitarum Generali præciperet, quatenus in secundo colloquio proxima hebdomada habendo suam quisque sententiam, atque pergnantia contra adversam partem argumenta, ac præcipue dissensionum momenta scriptotenus proponerent. His ita agitatæ primæ Congregationi finis imponebatur.

§. LXVI.

Alterum utriusque partis colloquium.

*Livin.
Mayer Hist.
controv. l. 3.
c. 7.*

Igitur utriusque Ordinis Generales cum suis Sociis hoc anno die vigesima nona Februarii, qua alterum inter partes

partes litigantes colloquium habebatur, Sæcul. XVI.
A.C. 1599.
 Romæ in Cardinalis Madrutii Palatio Serry Hist.
Congr. l.c.
 convenere, cunctisque confidentibus i- c. 5.
 dem Cardinalis paucis exponebat, quod
 de omnibus in nupero colloquio agita-
 tis Pontificem certiozem fecisset, hic ve-
 ro arreptum consilium approbans cun-
 ctos hortaretur, ut cœpta ad prosperum
 exitum deducere satagerent, hancque
 in rem, prout iussi essent, rationum mo-
 menta pro sua quisque opinione exhi-
 beret. Ad hæc Fratrum Prædicatorum
 Generalis mox reposuit: „ Mihi, meo-
 „que Ordini nec cum Societate, nec cum
 „ejus doctrina res, sed duntaxat contra
 „novum Molinæ systema Hispanicæ In-
 „quisitioni denunciatum quorundam
 „fervet Theologorum controversia, circa
 „quam respondere ego, meique existunt
 „parati: de cetero autem minus æ-
 „quum videtur, quod Jesuitæ paulo an-
 „te rei, nunc actores esse velint, vete-
 „remque doctrinam ab Ecclesia com-
 „muni suffragio approbatam de verita-
 „te suspectam reddere contendant: „
 His dictis chartam, in qua sex Molinæ
 propositiones, quas sui Ordinis Docto-
 res erroneas esse censebant, contine-
 bantur, Cardinali Madrutio obtulit, &
 converso ad Jesuitas sermone subjun-
 xit: „ si hæc assertiones vobis haud pro-
 „babiles esse videntur, eas velut censu-

Sæcul. XVI.
A.C. 1599.

„ra dignas nobiscum respuite: sin vero
 „meis Theologis illas impugnantibus
 „respondete, atque ex mutua hac colle-
 „tione veritas, vel falsitas patebit.
 Verum Aquaviva Jesuitarum Generalis
 caussam Molinæ non agi rursus respon-
 dens, ex tribus, quas attulerat, chartis
 unicum duntaxat Madrutio Cardinali
 porrigebat, qui illam prælegi iusserat,
 eoquod quatuor contineret propositiones,
 quas Jesuitæ in Dominicanorum
 sententia sibi minus probari asserbant.
 Porro cum Prædicatores identidem pri-
 mam controversiam de Molinæ libro
 prius discussam vellent, Societatis Præ-
 positus hæc subjunxit: „Equidem Fra-
 „tres Prædicatores in Molinæ libro pro-
 „positiones censura dignas invenerunt:
 „verum mei quoque Theologi pariter
 „in Bannesio, quæ reprehenderent, jam
 „pridem deprehenderunt: prius igitur Do-
 „minicani suum vendicent Bannesium
 „& ego quoque de Molinæ doctrina sen-
 „tentiam meam proferre haud cuncta-
 „bor: „ Ad hæc Fratrum Prædicato-
 rum Generalis reposuit: „Molinæ caus-
 „sa Censuræ judicio jam antea de-
 „mnata, necnon hujus doctrinæ accu-
 „satio a Sede Apostolica recepta, de Ban-
 „nesio autem hucusque nulla adhuc
 „lis fuit mota, igitur pristinæ accusatio-
 „nis culpam velle reciproca criminatio-
 „DE

Sæcul. XVI.
A.C. 1599.

„ne ex invidia diluere, miserum est ef-
 „fugium.„ Tum ergo mutuis ejusmo-
 di contentionibus inter partes concor-
 dia adeo non reddebatur, ut ex perti-
 naci opinionum diversitate acerbior in-
 dies animorum dissensio oriretur, hinc
 Cardinalis Madrutius enuntiabat, quod
 de hujus Colloquii successu summum
 Pontificem certiore reddere, ejusque
 jussa, quid deinceps agendum, præsto-
 lari velit. Soluta hoc conventu Præposi-
 tus Generalis Jesuitarum secreto Cardi-
 nalem accedens eidem reliquas duas
 chartas tradidit, rogans, ne illas Patri-
 bus Dominicanis communicaret, donec
 hi vicissim suæ sententiæ momenta, at-
 que adversæ opinionis errores exposuis-
 sent. Fratres Prædicatores cum probe
 prospicerent, quod eorum adversarii li-
 tis prius motæ decisionem tædiosa pro-
 telatione declinare quærent, hinc sa-
 cri Officii Congregationi porrecto li-
 bello supplicabant, ut omissis hisce con-
 ventibus duntaxat de Molinæ libro a-
 gatur, de aliis vero omnino silentium in-
 dicatur. Vix Jesuitæ hac de re noti-
 tiam hauserant, cum illico libellos sup-
 plices concinnarent, eosque per cunctas
 Inquisitorum Cardinalium domos cir-
 cumferrent, Dominicanorumque doctri-
 nam tanquam suspectam eo ex capite
 accusarent, quod sententiam suam de

D d 5

quæ-

Sæcul. XVI. quæstione agitata profiteri tergiver-
 A.C. 1599. rentur.

§. LXVII.

Privata utriusque partis molimina.

Hist. controu. Cum alterum hoc colloquium rursus
l. 3. c. 7. optato frustraretur successu, tertium
Hist. Congr. in diem tertiam Martii indicebatur: in-
l. c. terea vero haud exiguum Jesuitarum
Argentre rebus accessit emolumentum, dum ex
coll. judic. to. eadem Societate eadem die Robertus
3. part. 2. Bellarminus Cardinalium Collegio a
p. 168. Clemente VIII. adscriberetur; hic e-
 nim doctrinæ suæ fama tam prospere
 summi Pontificis animum in Jesuitarum
 vota inclinabat, ut Madrutio utrius-
 que partis petitionem exponenti Cle-
 mens Papa coram congregatis sacri Of-
 ficii Cardinalibus die quarta ejusdem
 Mensis præciperet, ut seposita Molinæ
 causa lis de auxiliiorum efficacia per-
 tractaretur: insuper idem Pontifex die
 undecima Martii Madrutio Cardinali
 Asculanum, & Bellarminum Cardina-
 les in laboris subsidium adjunxit. His
 tamen insuperhabitis die sequenti Cen-
 sores ad primi examinis recognitionem
 selecti censuram de Molinæ libro pro-
 nuntiatam, atque omnium nomine a
 Coronello Doctore concinnatam sacre
 Congregationi obtulerunt, quæ etiam
 censura